



DIPERKENANKAN

KDYMM PEMANGKU RAJA PAHANG

**TITAH PERUTUSAN
KEBAWAH DULI YANG MAHA MULIA
PEMANGKU RAJA PAHANG
PENAUNG DIRAJA
MISI MM1030**

بِسْمِ اللَّهِ الرَّحْمَنِ الرَّحِيمِ
السلام عليكم ورحمة الله وبركاته

Saban hari, pelbagai misi kemanusiaan dan keamanan dilaksanakan di seantero dunia secara berkumpulan mahupun orang perseorangan bagi mewujudkan kesejahteraan sejagat.

Alhamdulillah, saya bersyukur kerana dengan limpah dan kurnia-Nya, maka satu wadah baharu diwujudkan dalam menyemai semangat pertanggungjawaban kemanusiaan kepada dunia menerusi Misi Menawan 10 Menara Malaysia & 30 Menara Tertinggi Dunia (MM1030) kelolaan bersama Sekretariat MM1030 dan KOMITED Malaysia.

Saya turut menzahirkan rasa bangga atas kejayaan Misi Kemanusiaan dan Keamanan Pelari Solo Wanita Malaysia Pertama, Mejar Dr.(K) Suwaibah Nasir PSSTUDM., AMN yang telah merentasi Gurun Sahara sejauh 1111km (2012), *Across Marco Polo Run* (2014) dan *Silk Canal Solo Run* sejauh 3333km (2016) yang telah diiktiraf oleh *Malaysia Book of Records*.

Misi kudsi ini akan diteruskan untuk menawan 30 Menara Tertinggi Dunia yang bakal memekarkan dan memartabatkan nama negara di persada dunia.



Dengan ini, saya amat berbesar hati dan berkenan menerima pelantikan sebagai Penaung Diraja MM1030. Iringan doa saya sentiasa bersama dalam misi kemanusiaan yang digembleng dengan konsep kesejahteraan sejagat supaya inspirasi pelaksanaannya akan berjaya direalisasikan.

Saya menyeru semua pihak, termasuklah warga korporat, syarikat-syarikat multinasional, agensi-agensi kerajaan serta orang perseorangan agar dapat membantu serta menyokong usaha murni misi MM1030 ini demi keamanan dan kemanusiaan sejagat.

Wabillahi Taufik Walhidayah

Wassalamualaikum

Warahmatullahi Wabarakatuh

**KEBAWAH DULI YANG MAHA MULIA PEMANGKU RAJA PAHANG
TENGGU MAHKOTA TENGGU HASSANAL IBRAHIM ALAM SHAH
IBNI AL-SULTAN ABDULLAH RI'AYATUDDIN AL-MUSTAFA
BILLAH SHAH, DK., SSAP., SIMP.**